

**KITIKMEOT INUIT KATUYIKATIGIT (KIA-KUT) KIOTJUTAIT TATVALO
OKTOTAIT TATVUNGA
INIGHIMAITOK NUNAVUMI NUNAOTAITNIK ATOHIGHAITNIK
PARNAIYAOTAIT (dNLUP)**

IMAITMAT Ukkua Kitikmeot Inuit Katuyikatigit Katimayiit katimahimangmata malikavlutik maligaknik Ikaluktutiami Aktopa 7, 2021-mi, tatvalo;

IMAITMAT ukkua havaktiit tatvani KIA-kuni havakatigivagait ukkua Nunavut Tunngavik Timingat (NTI-kut) tatvalo ahiani Aviktoghimayoni Inuit Katuyikatigit (RIA-git) ihivgiokatigivlogit haffuminga parnaiyaotitik dNLUP, tatvalo;

IMAITMAT Ukkua Nunavut Parnaiyaiyiit Katimayiit (NPC-kut) ihoaghaimangmata nalaktaotik katimakjuaktitiyomavlotik haffuminga parnaiyaotitik dNLUP tatvani Ikaluktutiami Novaipa 23-min 26-mun, 2021-mi tatvalo hapkua kiotjutighait ukkua NTI-kut hapkualo Inuit Katuyikatigit nalaktaotitlogit katimakjuakutighaitnun toniyaoyagiakakmata NPC-kunot tatvani tikitinagolunin ublua Aktopa 8, 2021-mi, tatvalo;

IMAITMAT ukkua NPC-kut hatitihimangmata haffuminga parnaiyaotimik dNLUP tatva angmaghutjuk una kioyaotkovlugo uvani July 23, 2021-mi kihiani NPC-kut hatkitihimangitmata nomiktitaohimayonik Inuktitut Inuinaqtutlo, tatvalo;

IMAITMAT NTI-kut, KIA-kut hapkualo Inuit Katuyikatigit ihomalotikakmata namagiyaongitjutaitnik tatvalo nakugotaoninganik ukkua NPC-kut katimatjutaongititlugo ilalioitivilugit hapkua Kitikmeoni Nunaliit, tatvalo;

IMAITMAT KIA-kut havaktiita naonaiyaotigingmatjuk hamna parnaiyaotat dNLUP naonaighimaliktat hamna parnaiyaotaoyok ayungnaktokaktok taimaitmat naonaiyatiagiakaktagaloangat tatvalo ilalioitivilugo hamna parnaiyaotat dNLUP ihoilotikagungnaktok ikpingaktonik munagitjutighaitnik hapkua Inuit Nanminigiyaaita Nunaotaitnik tatvalo Inuit piyunaotaitnik, tatvalo;

IMAITMAT KIA-kut havaktiit havagiloagiakakniaktait hapkut ihomalotaoyot tohaktitiyagiakaktot NPC-kunik tatvalo havakatigihimagomaniaktait hapkua NTI-kut ahianilo Inuit Katuyikatigit aghokhaklugit ukkua NPC-kut namagiyaotiaktomik ihoaghagiakaktagaloangit hapkua ihomalotaoyot:

HADJA TAIMATOT TATVA IHOAGHAKTAOKUYAOYOK IMATOT:

1. KIA-kut havaktiit hivuniktaolotik uvanga Atanguyaoyomit Nunalikiyiitni, Avatilikiyiitni Ungolaitolikiyiitnilo (Nunalikiyiit) huli kivgaktiohimaakniaktot KIA-kunik tatvalo havakatigilugit hapkua NTI-kut tatvalo hapkua ahiani Inuit Katuyikatigit ihomalotaotitlugo hamna parnaiyaotaoyok dNLUP.
2. KIA-kut Nunalikiyiit, angiktaohimayot uvanga Atanikmingnit, ihomaghoklotik toghigungnaktot notkaktitjutighanik haffuma NPC-kut nalaktaolotik katimakjuakutighatnik tatvani Novaipami, tatvalo hanaiyakuyaoyot naliaknik kiotjutighamik pikatigilugit hapkua NTI-kut hapkualo Inuit Katuyikatigit tohaktitilotik ukkua KIA-kut ihomalotigiyaitnik haffuminga parnaiyaotaoyomik dNLUP – uvalunin KIA-kut Nunalikiyiit ihoaghaiyungnaktot ilikut KIA-kut kiotjutighatnik okaotigilugit KIA-kut ihomalotait kivgaktioititlogit Kitikmeoni Inuinaknik.
3. KIA-kut tohaktitiyagiakaktat NPC-kut ihomalotigiyamingnik haffuminga parnaiyaotigiyaita dNLUP mighagot kilaminoak.
4. Ataniktoktaolotik tatvanga Atanigiyamingnit, KIA-kut Nunalikiyiit ihomaghoklotik pitjutikagungnaktot havagiyagiakagomitku malikatiaklugit ukkua KIA-kut havagiyait tatvalo ihomagilogit piyomayait hapkua KIA-kuni nunatakataohimayot okaotigiyagiakaktait hapkua ihomalotaoyot uvani parnaiyaotaoyomi dNLUP, ilaliotilugo tohaktitilugit katimakjuakniaktitlugit NPC-kut ukkua KIA-kut illauyungnangitot ihomaghoklotik.

PIGIAKTITIYOK: Raymond Quqshuun Sr. AIPPIKTA: Peter Taktogon

KANOGILINGAVA

ANGIKTAOYOK

BD 82/21
